

VIRO

PERMAGNIFICO MAXIME STRENUO  
 GENEROSO AMPLISSIMO CONSVL-  
 TISSIMOQVE DOMINO

DOMINO

IOANNI IACOBO  
 MOELLERO

PRAECONSULI ECCLESiarVM CVRATORI  
 PTOCHOTROPHII MAGNI PRAEFFECTO  
 VICE-PRAESIDIS ET PVPILLORVM TVTORIS  
 SVPREMI CVRA DEFVNCTO

D. XXVII. MART. MDCCLIX

SPLENDIDA ET DIGNISSIMA

PRAESIDIS

MVNIA OBEVNTI

NOVAM DIGNITATEM

SVBMISSE GRATVLANTVR

MVSAE ELBINGENSES

COMMVNES ANIMORVM ADFECTIONES

EXPONENTE

GOTTLIEB THOMA ACHENWALL

GR. ET HEER. LINGV. PROF. EXTR. ET R. M. C.





Creduntur fausti lenis quibus obtigit illa  
Vivendi ratio ut curis ingentibus usque  
Muneris & praeclari immunes mole perenni  
Vitae privatae alma libertate fruantur,  
Quos dulcis saturat requies, queis transfluit aetas  
Per tacitum & strepitu sine transit vita diesque.  
Censentur contra minus aequa sorte dolendi,  
Qui caput attollunt alios inter venerandum  
Et celso positi reliquis sunt fulcra salutis  
Muneribusque graves graviores pectore curas  
Versantes ingente illarum mole premuntur.  
Attamen expectant operosas praemia curas  
Officii que laborem ingratum grata voluptas.  
Si mentes hominum vero recreantur honore,  
Si placuisse bonis licita est & grata voluptas,  
Si nomen bene factis augustumque manensque  
Semper erit votum desideriumque decorum :  
Sunt fortunati penes est quos magna potestas  
Quaeque viam patulam ad templum concedit honoris.  
Vestitu squallente casisque abscondita virtus  
Exoniis tenui tantum splendore refulget



At foliis residens, pretioso insignis amictu  
Ordinis externi, primatum indutaque formam,  
Longe diffuso nitido splendore coruscat  
Multorumque oculos mirantes attrahit in se  
Atque sibi gignit nomen post fata superstes.  
Praemium at & melius virtutem & certius aequè  
Oblectat, si cura ipsi commissa salutis  
Asservandae illorum, queis bene vult Deus ipse  
Et qui sunt felix divinae mentis imago.  
Vtilis est aliis dum, sedula commoda eorum  
Promovet & laeto auxilio propugnat inermes;  
Ipsa sibi prodest, alios potuisse juvare  
Exsultat partemque illorum gaudia sentit.

Aggrederis magnos, SUMMVM VENERANDE PATRONE,  
Dotibus eximiisque animi dignos TVI honores;  
At magnos etiam perdifficilesque labores:  
Dum PATRVM consensu urbis moderamina prendis.  
Gaudia concipiunt devota mente Camoenae  
Non fictosque edunt hilari de pectore plausus;  
Assiduo dum TE pergentem tramite cernunt,  
Quo virtus, sapientia TE fortunaque ducunt,  
Et pia solventes gradientem vota sequuntur.

TE Deus omnipotens, rerum cui sola potestas,  
Omnia qui imperio aeterno nutuque gubernat,  
Per quem sceptrum tenent reges, dant jura potentes,  
Esse instrumentum felix concedat amoris  
Antiqui & memoris curae in nostra urbe videndae.  
Ipse TVAE clemens praesit curaeque operaeque,



Res occultantes & spissa nocte tegentes,  
Consiliisque TVIS expectato auxilio adsit;  
Vt privata salus cujusvis publica & urbis  
Ex voto conservetur civisque TVOQUE  
Et TV ex successu capias nova gaudia semper  
Consiliorum urbis charae quae commoda spectant.  
Gloria virtutis solita umbra comesque fidelis,  
Egregie TVA consueto pede facta sequatur;  
Vt socialis amor parium & reverentia digna  
Inferiorum, animos conjungant foedere firmo  
Muneris atque levent operosa negotia magni,  
Sis feraque imitandum exemplar posteritati  
Virtutum quae splendentis luminis instar  
Personas procerum nomenque coloribus ornant  
Iucundis & amabilibus nunquamque adimendis.

TE moderante salus totius floreat urbis,  
Praefide TE cuncti jucunda pace fruantur  
Et laeti curis resoluti júbila cantent.  
Ac in TE Venerandi Numinis effluat ipsum  
Gratia fortunans, meritis TIBI praemia digna  
Retribuat vitae diuturna messe legenda,  
TE signum exemplumque suae priscae bonitatis  
Omnibus admirandum oculis nos collocet inter.  
Atque bonis cumulet TE ut prosperitate fruaris  
Omnigena ac semper facilis TVA vota secundet.  
Rideat & domui generoso stemmate clarae  
Deliciisque TVIS vultu fortuna sereno  
Prosperitasque ejus multos mansura per annos